

Raerieh learohkesoptsestalle masse



Lohkehtëjjide learohkigujmie mah gahkestieh

Bievnesh reebledh

Gosse learohkem maanaskuvleaaltarisnie åadtjoeh mij gahkeste, byörh voestegh goerehtidh guktie tsiehkje lea.

Juvnehtibie eejhtegigujmie/ åeliealmetjigujmie soptsestidh juktie govledh guktie dælie jïh guktie aarebi orreme. Dagke learohke hijven åtna gahkestimmie, mejtie ajve nimhtie sjïdteme, jallh juktie dan gahkestimmie iktesth dan seamma goh siejhme ij-galkije soptsestimmie orreme, guktie ij learohke jallh jeatjebh dam krööhkeme gænnah.

Dagke learohke bæhtjierdimmiem logopeeden luvnie åådtjeme jïh nimhtie liereme madtjele jïjtse tsagkesinie årrodh. Dellie dagke ij daerpies råajvarimmiejgujmie gænnah.

Jeenjemes veajkoej læjhkan daerpies learoehkinie soptsestidh. Daennie gærjatjisnie naan gyhtjelassh mejtie maahtah våaroeminie utnedh gosse edtjïh learoehkinie soptsestidh.

Tjeakoes gahkestimmie?

Muvhth almetjïh mah gahkestieh tjeakoes gahkestimmie evtiedieh, men jeerehte man jïjnje. Vuartesjh dan åvteste væhtaj mietie, vuesiehtimmien gaavhtan learohke faahketji vaestiedassh åajelde, baakoeh nuhtjie mah eah Leah sjïehteles, raajesidie gellien æjkien jeatjahtahta, jallh vaenie soptseste

Soptsesth learoehkinie
gahkestimmien bïjre!



Åssjalommesh, domtesh jïh
vuajnoeh baajnehtieh guktie
gahkestimmiem dâåjroe.



Ræhpasvoete gahkestimmien bijre

Datne mij lohkehtæjja ij edtjh gahkestimmiem bæhtjierdidh, men dov diædte klaassetjiehtjelisnie sjehteladtedh guktie learohke maahta sov daajroeh jïh maehtelesvoeth vuesiehtidh. Vihkielommes datne voejhkelh ræhpasvoetem learoehkinie sjugniedidh, men mejtie sån abpe klaassine. Ij Leah seekere learohke sijhth dan jijnjem gahkestimmien bijre klaassese soptsestidh gosse jollemes daltesinie maanaskuvlesne vaadtsa. Dan åvteste maahta aevhkine årrodh learohkem viehkiehtidh ræhpas årrodh aareh maanaskuvlesne guktie åådtje dâåjredh mubpielearohkh gahkestimmiem jååhkesjieh. Tjeakoes gahkestimmie daamtajommes evtiesåvva dan gaavhtan dihte mij gahkeste veanhta edtja nåake konsekveensh dâåjredh jis gahkeste. Mijjieh juvnehtibie logopeede nåake åssjalommesigujmie jïh domtesigujmie barka mah viædteldihkie gahkestæmman, jïh datne skuvlesne vaaksjosth.

Bievnesh klaassese

Maahta gahkestimmien bijre gellielaakan klaassine soptsestidh. Dej veajkoej learohke destie bælla, dle bööremes learohke jïh logopeede dam ektesne darjoeh. Datne maahtah meatan årrodh dâarjojne. Jis learohken ij naan logopeede jallh jijtje domtoe ij daarpesjh utnedh, dle datne maahtah learoehkinie soptsestidh guktie tuhtjie bööremes klaassem bievnedh.

Gyhtjelassh learohkesoptsestalle masse

Smaavedaltesh

- Guktie tuhtj reegkesligke soptsestidh klaassesne?
- Guktie tuhtj jeatjah learohkigujmie soptsestidh tæjmojne jïh eejehtimmine?
- Guktie tuhtj gahkestidh?
- Guktie domtoe gosse klaassesne gahkesth?
- Guktie manne goh lohkehtæjja maahtam datnem viehkiehtidh?
- Naan dejstie jeatjah learoehkijstie datnem gihjtjeme gahkestimmien bijre?
- Datne sïjhth klaasse edtja maam sjïere gahkestimmien bijre daejredh?
- Guktie tuhtj jeatjah lohkehtæjjam jallh sæjjasadtjem klaassesne utnedh?

Gaskedaltesh

- Guktie tuhtj reegkesligke soptsestidh klaassesne?
- Guktie tuhtj klaassesne gahkestidh? (vuesiehtimmien gaavhtan gosse reegkesligke lohkh, åehpiedahtah jallh jeatjah njaalmeldh darjomh tjïrrehth)
- Manne maahtam maam darjodh juktie dov skuvleaarkebiejjiem aelhkebe darjodh?
- Guktie tuhtj jeatjah lehkesne gahkestidh? (vuesiehtimmien gaavhtan eejehtimmine, skuvlegeajnosne, eejehtsdarjominie?)
- Guktie tuhtj voelph jïh jeatjebh klaassesne dæmiedieh gosse gahkesth?
- Datne tuhtj klaassevoelph nuekie daejrieh gahkestimmien bijre, jïh guktie datne tuhtj gahkestidh?
- Datne vïenhth viehkine dutnjien orreme jis vielie gahkestimmien bijre daajreme? Maam byöroh daejredh?
- Manne gie lohkehtæjja maahtam datnem viehkiehtidh vielie bïevnesh klaassese vedtedh gahkestimmien bijre?
- Logopeede akte mij maahta datnem gahkestimmine viehkiehtidh. Datne vïenhth logopeede maahta datnem viehkiehtidh?

Gihtjehtimmiegoere

Gaskedaltesh

Maahta jeerehtidh maam learohke tuhtjie læjsa j'ih ij. Muvhth eah lyjkhk gosse jeatjebh baakoeh dej åvteste illieh j'ih jeatjebh eah pryöjgedh. Daennie gihtjehtimmiegoeresne jiehtegh mejtie learohkh edtjeh jaavoe, ijje jallh såemiesmearan vaestiedidh. Vihkele datne lissiegyhtjelassh gihtjeh guktie åadtjoeh daejredh maam learohke tuhtjie hijven dåarjoe.

Manne tuhtjem ...

	Jaavoe	Såemies mearan	Ijje
Viehkine munnjien gosse jeatjebh baakoem mov åvteste jiehtieh gosse gahkestem.	<input type="checkbox"/>	<input type="checkbox"/>	<input type="checkbox"/>
Viehkine munnjien gosse jeatjebh bæjeh mannem illedh dam maam jeahtam.	<input type="checkbox"/>	<input type="checkbox"/>	<input type="checkbox"/>
Viehkine munnjien gosse im daarpesjh reegkesligke lohkedh.	<input type="checkbox"/>	<input type="checkbox"/>	<input type="checkbox"/>
Viehkine munnjien gosse maahtam reegkesligke lohkedh unnebe dåehkesne.	<input type="checkbox"/>	<input type="checkbox"/>	<input type="checkbox"/>
Viehkine munnjien gosse maahtam reegkesligke lohkedh ajve geerve almetjasse.	<input type="checkbox"/>	<input type="checkbox"/>	<input type="checkbox"/>
Viehkine munnjien gosse maahtam seammalaakan darjodh goh doh jeatjebh.	<input type="checkbox"/>	<input type="checkbox"/>	<input type="checkbox"/>
Viehkine munnjien gosse maahtam unnebe dåehkesne åehpiedehtedh.	<input type="checkbox"/>	<input type="checkbox"/>	<input type="checkbox"/>
Viehkine munnjien gosse maahtam lohkehtæjjese åehpiedehtedh.	<input type="checkbox"/>	<input type="checkbox"/>	<input type="checkbox"/>
Viehkine munnjien gosse maahtam j'ijte veeljedh gåessie s'ijthem g'ietem lutnjedh.	<input type="checkbox"/>	<input type="checkbox"/>	<input type="checkbox"/>
Viehkine munnjien gosse lohkehtæjja mannem gihtjie seamma daamtaj goh doh jeatjah learohkh	<input type="checkbox"/>	<input type="checkbox"/>	<input type="checkbox"/>
Viehkine munnjien gosse maahtam oktegh lohkehtæjjine soptsestidh.	<input type="checkbox"/>	<input type="checkbox"/>	<input type="checkbox"/>
Viehkine munnjien gosse gaajhkesch klaassesne daejrieh manne gahkestem.	<input type="checkbox"/>	<input type="checkbox"/>	<input type="checkbox"/>
Viehkine munnjien gosse muvhth klaassesne daejrieh manne gahkestem.	<input type="checkbox"/>	<input type="checkbox"/>	<input type="checkbox"/>
Viehkine munnjien gosse vielie t'ijjem åadtjoem gosse edtjem åehpiedehtedh.	<input type="checkbox"/>	<input type="checkbox"/>	<input type="checkbox"/>
Viehkine munnjien gosse åadtjoem veeljedh gåessie edtjem åehpiedehtedh.	<input type="checkbox"/>	<input type="checkbox"/>	<input type="checkbox"/>

Dov naan jeatjah raeriestimmieh mah maehtieh viehkine årrodh?

Gahkestimmien bijre skuvlesne

Daate gærjetje lea bielie vierhtiepaahkeste *Gahkestimmie skuvlesne*. Dan sisnie gellie nuhteligs vierhtieh skuvlemaanaj bijre mah gahkestieh.

Vielie bievnesh, vuartesjh [statped.no](#).

Evtiedamme Statpedeste laavenjostosne Nasjonalt taleflytforuminie.

Jarkoestamme årjelsaemien gïelese: Ellen Bull Jonassen jïh Ajlin Jonassen Kråik.

Sjïehtedamme årjelsaemien gïelese: Aasta Joma Granefjell, Statped 2025.